

Perbendaharaan: Dana RM1.4 bilion tak pernah lesap
The Malaysian Insider
09 November , 2011
Oleh Yow Hong Chieh

KUALA LUMPUR, 9 Nov – Kementerian Kewangan hari ini menafikan dakwaan Pakatan Rakyat bahawa RM1.4 bilion telah hilang daripada dana Bajet Wang Luar Jangka.

Sebaliknya Perbendaharaan menegaskan jumlah itu telah pun diisi semula melalui Rang Undang-undang Pembekalan Tambahan 2011 dan sudah pun dimaklumkan di Parlimen awal tahun ini.

Timbalan Menteri Kewangan Datuk Dr Awang Adek Hussin berkata beliau telah membentangkan rang undang-undang itu pada Mac atau April lalu, yang memperincikan kesemua perbelanjaan yang tidak dirancang.

“Sama ada mereka sudah lupa, tidak mendapat atau ini percubaan untuk memutarbelitkan fakta-fakta dan mengelirukan rakyat,” kata beliau kepada pemberita di sini lobi bangunan Parlimen hari ini.

Awang Adek mengulas dakwaan pembangkang semalam bahawa dana Bajet Wang Luar Jangka RM1.4 bilion telah lesap daripada RM1.5 bilion yang diperuntukkan.

Perkara berkenaan dilaporkan dibangkitkan oleh Azan Ismail (PKR-Indera Mahkota) di Dewan Rakyat dan kemudiannya disentuh oleh Ketua Pembangkang Datuk Seri Anwar Ibrahim pada sidang media semalam.

Awang Adek kemudian mengedarkan salinan kertas Aturan Mesyuarat 3 2011, yang mengandungi butiran perbelanjaan yang dibayar menggunakan peruntukan tersebut.

Katanya, peruntukan kontigensi itu ditambah sehingga RM1.5 bilion setiap tahun sehingga ratifikasi dibuat menerusi rang undang-undang pembekalan tambahan.

The Malaysian Insider
Hakcipta © 2011 The Malaysian Insider
Source: <http://www.themalaysianinsider.com/bahasa/article/perbendaharaan-dana-rm1.4-billion-tak-pernah-lesap/>